



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), razmatrajući Prijedlog odluke o razrješenju članova Upravnog odbora Fonda zdravstvenog osiguranja Brčko distrikta BiH, Prijedlog odluke o razrješenju članova Upravnog odbora Zavoda za zapošljavanje Brčko distrikta BiH i Inicijative za pokretanje postupka razrješenja članova Upravnog odbora Razvojno-garantnog fonda Brčko distrikta BiH, zbog ugrožavanja finansijske stabilnosti Brčko distrikta BiH i nemogućnosti raspolaganja sredstvima više od 20 miliona KM oročenih u Bobar banci, Skupština Brčko distrikta BiH na I. nastavku 50. redovne sjednice održanom 11. marta 2015. godine, donosi

ZAKLJUČAK

1. Skupština Brčko distrikta BiH konstatuje da je narušena finansijska stabilnost Brčko distrikta BiH nakon slučaja Bobar banke, a zbog nemogućnosti raspolaganja više od 20 miliona KM sredstava Fonda zdravstvenog osiguranja Brčko distrikta BiH, Zavoda za zapošljavanje Brčko distrikta BiH, Direkcije za finansije Brčko distrikta BiH i Razvojno-garantnog fonda Brčko distrikta BiH.
2. Skupština Brčko distrikta BiH zahtijeva da sva pravna lica kojima je osnivač Skupština Brčko distrikta BiH otvore račune i rasporede novčana sredstva u minimalno tri komercijalne banke.
3. U vezi s tačkom 1 ovog zaključka Skupština Brčko distrikta BiH zahtijeva reviziju postupaka provedenih procedura, finansijskog poslovanja i zakonitosti u radu, a u vezi s načinom oročavanja, trošenjem, upravljanjem i kontrolom raspolaganja novčanih sredstava od strane Upravnog odbora i direktora ovih pravnih lica, koju će provesti Ured za reviziju javne uprave i institucija u Brčko distriktu BiH.
4. Ukoliko revizija iz tačke 3 ovog zaključka ukaže na nesavjesno ili nezakonito postupanje u organizovanju i raspolaganju javnim finansijama od strane pomenutih pravnih lica, Skupština Brčko distrikta BiH zadužuje Vladu Brčko distrikta BiH da u roku od 30 dana od dana dostavljanja revizorskih izvještaja, sačini prijedlog mjera.
5. U skladu s tačkom 4 ovog zaključka zadužuje se Vlada da predloži Skupštini adekvatna zakonska rješenja kako bi se ova pravna lica uključila u sistem kontrole Jedinственог računa Brčko distrikta BiH.

6. Pozivamo Tužilaštvo i Policiju Brčko distrikta BiH da preduzmu odgovarajuće mjere iz svoje nadležnosti.

7. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-432/15
Brčko, 11. 3. 2015. godine

PREDSJEDNIK
SKUPŠTINE BRČKO DISTRIKTA BiH

Đorđa Kojić

Dostavljeno:

1. Predsjedniku
2. Dopredsjedniku
3. Gradonačelniku
4. Glavnom koordinatoru Vlade
5. Fondu zdravstvenog osiguranja Brčko distrikta BiH
6. Zavodu za zapošljavanje Brčko distrikta BiH
7. Razvojno-garantnom fondu Brčko distrikta BiH
8. Direkciji za finansije
9. Uredu za reviziju javne uprave i institucija u Brčko distriktu BiH
10. Tužilaštvu Brčko distrikta BiH
11. Policiji Brčko distrikta BiH
12. JP „Luka Brčko“
13. JP „Komunalno Brčko“
14. JP „Radio Brčko“
15. JP „Putevi Brčko“
16. JZU „Zdravstveni centar Brčko“
17. Sektoru za koordinaciju politika i opće poslove
Odsjeku za opće poslove
18. Arhivi